

湖州詞徵

五

新學
子
船
PDG

湖州詞徵卷二十五

歸安朱祖謀輯

葉清臣

宋史列傳葉清臣字道卿天聖二年舉進士對策
擢第二累遷太常丞進直史館上書言大臣專政
仁宗嘉納之擢起居舍人龍圖閣學士出知江寧
府踰年入翰林爲學士罷知河陽卒贈左諫議大
夫清臣天資爽邁遇事敢行奏對無所屈數上書
論天下事陳九議十要五利皆當世可行者有文
集一百六十卷

湖州府志清臣父參本縉雲人父正輔葬弁山遂

留不去宋時無占籍之禁故又占籍長洲姑蘇志
云本烏程人此其證也

鳳凰閣

徧園林綠暗渾如翠幄下無一片是花萼可恨狂風橫
雨忒煞情薄盡底把韶華送卻楊花無奈是處穿簾
遮幕豈知人意正蕭索春去也這般愁沒處安著怎奈
向黃昏院落

賀聖朝

滿斟綠醕留君住莫怱怱歸去三分春色二分愁更一
分風雨花開花謝都來幾許且高歌休訴不知來歲
牡丹時再相逢何處

劉述

宋史列傳劉述字孝叔湖州人舉進士爲御史臺主簿累官刑部郎中神宗立召爲侍御史知雜事久次授吏部郎中兼判刑部王安石爭謀殺刑名述率御史劉琦錢顗共上疏願早罷逐以慰天下安石欲置之獄帝以知江州踰歲提舉崇禧觀卒紹興初贈祕閣修撰

湘山野錄劉孝叔吏部公述深味道腴東吳端清之士也方仕之際已恬於進取後將引年方得請爲三茅宮僚始有養天和之漸

家山好

挂冠歸去舊煙蘿閒身健養天和功名富貴非由我莫
貪他這歧路足風波 水精宮裏家山好物外勝游多
晴溪短櫂時時醉唱裏稜羅天公奈我何

朱服

宋史列傳朱服字行中湖州烏程人熙寧進士甲
科歷國子直講祕閣校理監察御史裏行參知政
事章惇遣所善見服道薦引意以市恩服舉劾之
俄知諫院拜禮部侍郎謫知萊州徙廣州哲宗旣
祥服賦詩有孤臣正泣龍髯草之語爲部使者所
上黜知袁州又坐與蘇軾遊貶海州團練副使蘄
州安置改興國軍卒

齊東野語服承逸之孫熙寧余中榜第二人仕至
中書舍人弟肱著活人書子或著蘋洲可談

方勺泊宅編朱行中自右史帶假龍出典數郡年
纔逾壯守東陽日嘗作春詞自以爲得意後歷中
書舍人帥番禺得罪安置興國軍以死流落之兆
已見於詞

漁家傲東陽郡齋作

小雨纖纖風細細萬家楊柳青陽裏戀樹溼花飛不起
愁無際和春付與東流水九十光陰能有幾金龜解
盡留無計寄語東陽沽酒市拚一醉而今樂事他年淚

丁注

談鑰吳興志丁注字葆光歸安人熙寧六年進士
直齋書錄解題丁永州集三卷吳興丁注葆光撰
喜爲歌詞世所傳催雪無悶及重午慶清朝皆有
承平閒雅氣象

癸辛雜識注故居在清源門內前臨茗水鑿山築
池號寒巖一時名士洪慶善王元渤俞居易芮國
器劉行簡曾天隱皆有詩

無悶

風急還收雲凍又開海闊無人翦水算六出工夫怎教
容易剛被郢歌楚舞鎮獨向樽前誇輕細想謝庭詩詠
梁園賦賞未成歡計天意是則是便下得控搏柳梢

梅蕊又爭奈看看漸回春意好趁東君未覺預先把園
林都裝綴看是處玉樹瓊枝勝卻萬紅千翠

劉 燾

詞綜補遺劉燾字無言長興人元祐三年進士官
至祕閣修撰有見南山集

談鑰吳興志蘇軾知舉讀其文曰必巖谷閒苦學
者中第三人廷對又中甲科軾薦燾文章典麗可
備著述科帥中山時以蜜漬荔枝遺之詩末章云
詩清真合與君嘗

董史皇宋書錄黃山谷題宋法帖劉無言牋題便
不類今人書使之春秋高江東又出一羊欣薄紹

言街二十五
之矣

花心動

偏憶江梅有塵表風神世外標格低傍小橋斜出疏籬
似向隴頭曾識暗香孤韻冰霜裏初不怕春寒要勒問
桃杏賢們怎生向前爭得 省共蕭娘去摘玉纖映瓊
枝照人一色淡粉暈酥多少工夫到得壽陽宮額再三
留待東君看管都將別花不惜但只恐南樓又三弄笛
入寶妝

門掩黃昏畫堂人寂暮雨乍收殘暑簾捲疏星庭戶悄
隱隱嚴城鐘鼓空街煙暝半開斜月朦朧銀河澄淡風
淒楚還是鳳樓人遠桃源無路 惆悵夜久星絳碧雲

望斷玉簫聲在何處念誰伴茜裙翠袖共攜手瑤臺歸
去對修竹森森院宇曲屏香暖凝沈炷問對酒當歌情
懷記得劉郎否

轉調滿庭

風急霜濃天低雲淡過來孤雁聲切雁兒且住略聽自
家說你是離羣到此我共那人纔相別松江岸黃蘆影
裏天更待飛雪聲聲腸欲斷和我也淚珠點點成血
這一江流水流也嗚咽告你高飛遠舉前程事永沒磨
折須知道飄零聚散終有見時節

菩薩蠻

雪窗寒聽孤鐙滅滅鐙孤聽寒窗雪殘漏惜衾閒閒衾

惜漏殘 說時常恨別別恨常時說還不奈宵寒寒宵
奈不還

沈會宗

歷代詩餘詞人姓氏沈會宗字文伯

毛晉曰沈端節品行無從考惟馬端臨云字約之家於苕溪豈卽沈會宗同族耶今會宗詞亦不多見惟詠賈耘老苕上水閣一闕

滿庭芳

柳與隄迴橋隨湖轉望中如在蓬萊水禽高下煙霧斂
還開認是仙翁住處都不見一點塵埃壺天晚清寒帶
雪光景自徘徊 高才廊廟手當年平步直到堯階況

今朝調鼎尤待鹽梅只恐身閒不久難留戀花月樓臺
看新歲春風且送五馬過江來

又

雪底尋梅冰痕觀水晚來天氣尤寒漸聞歌笑輕暖發
春妍賞盡十洲新景依稀見三島風煙拚深夜一年月
色只是這番圓 熙然千里地何妨載酒頻上湖船況
坐中高客不日朝天須信人閒好處沒箇事勝得樽前
東風近侵尋桃李別做醉黃緣

又

疏木藏鐘輕煙籠角幾家簾幕鐙光暮砧聲斷空壁鎖
寒蟬入袂西風陣陣徹醉骨都不勝涼欄干外依稀嫩

言從二一三
菊月色冷如霜 仙鄉何處是雲深路渺不念劉郎但
畫橋流水依舊垂楊要見時時便見一向價只作尋常
爭知道愁腸淚眼獨自箇重陽

臨江仙

過盡清明三月雨東風纔到溪濱畫工傳得已非真青
君著意處桃李未爲春 倚檻盈盈如欲語就中拈足
花神自然亭館一番新從今觀絕品不獨洛陽人

夢玉人引

舊追遊處思前事儼如昔過盡鶯花橫雨暴風初息杏
子枝頭又自然別是般天色好傍垂楊繫畫船橋側
小歡幽會一霎時光景也堪惜對酒當歌故人情分難

覓水遠山長不成空相憶這歸去重來又卻是幾時來
得

驀山溪

想伊不住船在藍橋路別語未甘聽更擬問而今是去
門前楊柳幾日轉春風將行色欲留心忽忽城頭鼓
一番幽會只覺添愁緒邂逅卻相逢又還有此時歡否
臨歧把酒莫惜十分斟樽前月月中人明夜知何處

漢宮春

別酒初醒似一番夢覺屈指堪驚猶疑送消寄息遇著
人聽當初喚作據眼前略略看承及去了從頭想伊心
下始覺寧寧黃昏畫角重城更傷高念遠懷抱何勝

良時好景算來半爲愁生幽期暫阻便就中月白風清
千萬計年年斷除不得是這些情

尋梅

今年早覺花信磋商想芳心未應誤我一月小徑幾回過
始朝來尋見雪痕微破眼前大抵情無那好景色只
消些箇春風爛漫卻且可是而今枝上一朵兩朵
不見

日過重簾未捲嫋嫋欲殘香線午醉卻醒來柳外一聲
鶯囀不見不見門掩落花深院

又

回首蕪城舊苑還是綠深紅淺春色已無多斜日滿簾

飛燕不見不見花上雨來風轉

訴衷情

深深院宇小池塘一徑碧梧長青春又歸何處新筍綠
成行多少事惱人腸嬾思量香消一炷睡起霎時日
過東窗

菩薩蠻

相逢無處無樽酒樽前未必皆朋舊酒到任教傾莫思
今夜醒明朝相別後江上空回首欲去不勝情爲君
歌數聲

又

春城迤邐層陰繞青梅競弄枝頭小江色雨和煙行人

江那邊 好花都過了滿地空芳草落日醉醒閒一春
無此寒

小重山

花過園林清蔭濃琅玕新脫筍綠叢叢雨聲只在小池
東閒敲枕直面菱荷風 長日敞簾櫳輕塵飛不到畫
堂空一樽今夜與誰同人如玉相對月明中

蝶戀花

溪上清明初過雨春色無多葉底花堪數輕暖時聞燕
雙語等閒飛入誰家去 短牆東畔新朱戶前日花前
把酒人何處彷彿橋邊上船路綠楊風裏黃昏鼓

又